

28
72
52 b

D. O. M. A.
AD NATURAM
^{DE} PHILOSOPHIA
IN GENERE

ET
PRACTICA IN SPECIE, SUMMO BO-
NO CIVILI, ACTIONIBUS ITIDEM
HUMANIS, SELECTIORA NONNUL-
LA DEPROMENS.

QVAM

Divinâ sic disponente providentiâ & Am-
plissimâ facultate Philosophicâ in Regia Aca-
demia Christinea, consentiente & approbante.

SUB DIRECTIONE

Nobilissimi & Consultissimi Viri

Dn. Michaëlis Gyllenstolpes Hæred. in
Jakoila & Kärrenham/ I. Uq; & Phil. Doct. per-
eximij; Juris Pol. & Hist. Profess. celeberrimi, Præce-
ptoris & Promotoris sūi, gratā memoriam atatem com-
memorandi.

Pro Juribus Magisterij Philosophici obtinendis,
censuræ eruditorum publicè discutiendam offert,
modestusq; proponit

IOHANNES A. STRÆTHOVIUS

Smol. S R. M. Stip.

Phil. 3,8. Omnia habeo pro rejectamentis, ut chiristum lucrificiam.

P A R A D O X :

Solus sapiens est dives, nam non esse cupidum pecunia est, non ef-
se emacem, vestigal est.

In Audit Majori ad diem 28. April. Anno 1656.

Aboæ, Impressa à Petro Hanson Acad. Typogr.

VIRIS

Admodum Reverendis & Excellentissimis

Dn. M. ZACHARIÆ PETRI Lundebergio,

Inclytæ Diœcæsos Wex. Episcopo longe desideratissimo, ut Musarum Patrono Magno, ita meo gratosiss.

Dn. M. JONÆ ZEPHYRINO, Ecclesiæ Wex. Pastor & Consist. Ecclesiast. Assessori Dignissimo.

Dn. M. DANIELI LUNDEBERGIO, Regij Gymn. Wex. S.S. Theol. Lectori gravissimo,

Dn. M. GISLONI UNNERO, Ibidem S.S. Theol. Lectori meritissimo.

NEC NON

Reliquis Gymnasiarchis & Consistorialibus
illic solertissimis.

UT ET

Præclarissimis Rev. Doctris. & Humanissimis Viris

Dn. M. CHRISTIERNO A. Osængio, Pastor in Understadv Dignissimo.

Dn. ERLANDO PAULINO, Pastor in Marchas ryd fidelissimo.

Dn. ANDREÆ P. in Hallaryd, Pastor vigilissimo.

Dn. PETRO ANGELSTADIO, Pastor in Ängelstad laboriosissimo.

Dn. DANIELI ROSANDRO, phil. Cand. meritissimo.

Dn. JONÆ in Ronkarp / Comministro in Liunga per vigili.

Dn SAMUEL HARALDI designato Pastor in Vislanda diligentissimo.

Ut olim Preceptoribus meis fidelissimis, ita nunc mecenati meo magno & promotoribus certissimis, benefactoribus & amicis exoptatissimis Disp. hanc inauguralem in ulteriore rem sui notitiam, promotionem & favorem submisse

Reverenter

officiose

& amice inscribit

S E C T I O P R I M A
Definitionem & Divisionem Philosophiae prælibat
P R A E C E P T A.

I.

P hilosophia est habitus perficiens animum homini-
nis in cognitione veri & actione honesti.

II. Dispescitur in Theoreticam & Practicam.

III. Theoretica est pars Philosophiae prior, quæ Entia
eorumq; principia & affectiones solius cognitio-
nis & veritatis causâ contemplatur,

E X P L I C A T I O.

AD P R A E C E P T U M I.

Obs. (1) Nomine σοφίας priscis temporibus venit;
verum cum elatis animis id quosdam ambire animad-
vertit Pythagoras, φιλόσοφος, quam σοφος, audire ma-
luit; Quo facto modestiam ptaese ferens, subinfert vastum
oceaniū esse σοφιαν, cuius undiq; terminos attingere,
contingat vix homini, qui hāc in vitā navigio rimarum
pleno vehitur. Sapientiae autem studere nemini non
integrum est. Nec ullum qui sedulo conatu per pulchram
hanc virginem constantive amore coluit, repulit un-
quam, amantem amat, colentem colit, atq; ita osculis &
amplexibus excipit, ut sui amoris neutiquam poeniteat,
omnino facit. (2) Genus, habitus, animum enim homi-
nis in cognoscendo & appetendo promptum reddit.

A 2

(3) Dif-

(3) Differentia, quæ deponit ex objecto & fine: Circa verum, id ut cognoscatur, contemplatur. Circa bonum, id ut operetur, occupatur. Breviter sic definitur: Est habitus scientiæ & prudentiæ constans.

AD PRÆCEPT. II.

Diuturno Eruditorum usu jam invaluit, Philosophiæ divisio in Theoreticam & Practicam. Illa intellectu seu τὴν επιστήμονα κηρύξαντη, hæc voluntatē sive τὴν ὄρεκτην τanquam subjectum, perficit. Ista rebus necessarijs; Hæc contingentibus, quæ pro arbitrio nostro fieri vel non fieri possunt; tanquam objectum, operam impendit; Hæc actionem; Ea nudam cognitionem; quam quoq; illarum præcepta, intendunt. Theorica intellectui, quem ignorantia, seu ἀγνοία veri; Practica voluntati, quam malitia seu ἀταξία appetitus, infecit, medicinam facit.

SECTIO SECUNDA

Philosophia Practicæ Definitionem & Divisionem cum Ethica Definitione & Divisione in campum provocat.

PRÆCEPTA.

I. Philosophia Practicæ est prudentia, vel pars Philosophiæ posterior, hominem ad summum bonum civile obtinendum informans.

II. Dividitur in partem Generalem & specialem.

III. Generalis sive Ethica, est prior pars philosophiæ civilis, quæ homo præcise & absolutè virtutibus ad consequendam felicitatem civilem informatur.

IV. Partes ejus duæ sunt: Εὐδαιμονολογία, quæ summariam felicitatem; & Αρετολογία, quæ media ad illam ducentia, pertractat.

AD PRÆCEPTUM I.

Rationibus non invalidis munitus, generi usu recepto, locum facio. Prædicatur enim Prudentia de pluribus distinctis disciplinis, in casu recto: utpote, de Philosophia moralis, de Ethica, de Politica, de œconomica, de Jurisprudentia, de Historica (ut nonnulli volunt) E. potius describitur per prudentiam sive partem Philosophiae, quam per Philosophiam, habet enim convenientiam analogicè cum toto integrali, quamvis illa nec negetur de toto universalis. Objectum ejus adæquatum est homo civiliter beandus.

AD II. & III.

Objectum videlicet actiones humanas expendens, certe illas duplicis esse considerationis; vel enim generaliter se habent, prout absolutè certo statui non astrictæ; Vel specialiter statui aut civili aut doméstico alligatae, virtute & honestate fulgenti splendide micant. Finem S. B. sc. intuens, quod & id jani bifrontis simile sit invenio; vel enim generaliter, quatenus ab homine acquiritur; vel specialiter, quatenus à civibus, vel dogmesticis indagatur, appareat. Hæc cùm dextrè perpendo, bonam esse divisionem, confessim comperio.

AD IV. PRÆCEPTUM.

Analyticâ Methodo pertractari gestiunt disciplinæ Practicæ, Εὐθαιρεσία igitur vult præmitti; Nam si eut iter ingressurus, scopum sibi certum proponit, quo itinera intermedia dirigat, ita fit in processu actionum humanarum, primū certus ponendus est finis, ex quo dein mediorum resultat electio & determinatio.

SECTIO TERTIA.

Summi Boni Naturam in Theatrum deducit.

P R A E C E P T A.

- I. *Summum Bonum est operatio animæ rationalis, secundum virtutem optimam & perfectissimam in vita perfecta.*
- II. *Estq; Theoreticā vel Præctica,*
- III. *Theoreticā est quæ ex contemplatione veri resultat.*
- IV. *Præctica ex actione virtutis morales fluit.*

AD PRÆCEPTUM I.

Definitur per operationem, nam homonon ut otio torpescat, sed ut avicula ad volandū, ita homo ad laborandum natus est. Et quidem 1. *Anime*, quā expenditur principium ejus *Quo*; eo quippe non sequestratur principium ejus *quod*. Actiones enim sunt suppositorum. 2. *Rationalis*, quā repelluntur operationes animæ vegetantis & sentieatis. *Secundum virtutem optimam & perfectissimam*, sc in suā perfectione, quia felicitas, cūm præstantissima ac perfectissima sit actio, perfectissimum etiam postulat fundamentum sive causam absolutissimam. *In vita*, vitam hic intelligi assero *moralement*, quæ in vigore intelligendi, judicandi & rectè volendi consistit; cui opponitur mors in ejusmodi actuum privatione conspicua; ut in Theologia (ex Epist. 1. Tim. c. 5. 9.) qui vivi serviant, mortui; qui pietati student vitam spiritualem vivere dicuntur. *Perfecta*, Hæc requirit, præter maturitatem ætatis, judicijq; sanitatem, etiam actuum continuationem, (perfectio enim S. B. in instanti non absolutitur, qui semihoram vivit, vitam vivit, sed non perfectam, quæ in operatione cernitur continuatâ) commoditatemq; instrumentorum, bonorum sc. corporis & fortunæ, quæ felicitatem promovent & exornant.

Cum

Cum ita singulas definitionis voces, ut hederam, è re fuerit, erexi, & quid intus venale habitum, inquisivi, de facili liquet in quoniam consistat fundamentalis & formalis ratio S. B. Non 1. *In voluptate, animi vel corporis.* Illa enim potius S. Boni est immediatum consequens, seu signum perfectæ operationis; Hæc nobis cum belluis communis. Nec 2. *In honore, signi vel meriti,* Hic namq; proprietas & affectio est inseparabilis S. Boni, non ipsa essentia. Iste propter virtutem expetitur, inconstans est, ab aliorum pendens nutu & arbitrio; juxta illud: Honor honorantis est, non honorati. Nec 3. *In divitijs & rerum omnium affluentia,* possessiones enim malis & bonis comunes esse possunt, propter usum expetuntur: Et ut cum molestiâ & maximis curis interdum parantur, ita adhuc majoribus asservantur, & non raro exquisitissimis cum doloribus amittuntur.. Sed 4. *In actione virtuosâ, eâq; non impeditâ.*

AD II. III. & IV. PRÆC.

Divisio ex objecto est de prompta. Duo enim maxima sunt in Philosophia: *judicium veri & Finis bonorum,* seu *contemplari & voluntatem informare:* Illud Theoretica felicitas intendit, quæ pro objecto vendicat sibi res necessarias, & contemplationem summi Entis in primis, quæ nobilissima est intellectus operatio, ad quam proinde & reliquorum entium dirigenda est cognitio, cœu gradus quidam ad superiora seu immortalia: ne peritura in creaturarum consideratione exerceatur curiositas, monente Augustino. Hoc totum hominem concernit, eum in hac vitâ beatum reddit. Unde rectius contemplativum ordinatur ad Bonum hoc, quam vice versa. Et licet *Deo genere* videatur cum animâ rationali conjunctius esse Bonum, magisq; propriam ejus functionem

concernere: Non minus tamen homini toti convenit
rō πράττειν sive agere secundū virtutē, quod in so-
cietate hāc civili, utramq; facit paginam.

SECTIO QUARTA.

Adjuncta ē principia actionum humanarum sub sua turna mi-
litare facit.

P R A E C E P T A.

1. Actionibus humanis accidunt invitum ē voluntati-
rium,
2. Actio invita, quā quis vel vi coactus, vel per igno-
rantiam quid committit,
3. Estq; duplex: violenta vel imprudens,
4. Violenta, cuius causa externa est talis quidem, ut
nihil conferat ad eam qui agit aut patitur.
5. Imprudens seu per ignorantiam est que ab agente
circumstantiarum quarundam singularium ignaro,
culpae ē fraudis vacuo proficiscitur, ē subsequen-
tem habet pœnitentiam.
6. Actio voluntaria est cuius principium est in ipso a-
gente, singulas circumstantias sciente,
7. Spontanea actionis principia seu requisita sunt trias:
Consultatio, Electio ē volitio.
8. Consultatio est ratiocinatio de medijs quib; ad finem
pervenitur.
9. Electio est appetitio præmeditata eorum que à no-
bis fieri possunt.

10. Volitio

20. Volitio est appetitio boni cum ratione.

21. Huc spectat liberum arbitrium, quod modus est,
quo voluntas aliquid pro placito vult vel non vult,
secundum intellectus judicium.

AD PRÆC. I. II. III. IV. V. VI.

Actiones non sine ratione, mixtas ad Spontaneas
referens, cùm enim actiones aestimandæ veniant ex
circumstantijs & prout in singularibus exercentur; jam
non subest ratio, cùr non commodè ad spontaneas
referri queant, immò simpliciter voluntarie sunt, ratio
ne principij, voluntatis & cognitionis, circumstanti
arum & mediorum, cùm non solùm illa velimus, quæ
propter se appetuntur, sed etiam quæ propter aliud; divi
sionem actionum in (1) *Invitas*; quæ vel violentæ, qua
rum principium non tantum sit externum, sed etiam
requiritur ut id sit contra conatum intrenum & impe
tum voluntatis; vel per ignorantiam; quæ vel est pra
væ dispositionis, alias error dicitur, cùm quis judicat
rem aliter esse quam est; vel puræ negationis, quæ est
cognitionis privatio, non cum positivo aliquo conjun
cta judicio, utraq; censetur principium esse actionis
invitæ, non quidem propriè & per se, sed quatenus
tollit scientiam, quæ inhibitura esset actionem istam.
Et (2) *spontaneas*; quæ scientiam & voluntatem præsup
ponendo; vel ex libitis Affectibus, irâ, amore &c. abs
que deliberatione, & proposito antecedente, resultant,
vel Ἐπιρραιγέσεως, deliberatâ voluntate & destinato
proposito, veritati consentaneam, autumo.

AD

Actionum exteriorum, quæ nimirum oculis hominum subiiciuntur, principia quidem hic recensentur, ut
pote (1) *Consultatio*, quæ mediorum nempe futurorum,
quæ à nobis fieri vel obtineri sperantur, tantum est, non
finis. (2) *Electio*, filia consultationis, quæ non secùs ac
illa negotium habet circa media. Differt tamen à suâ
matre (1) *Subjecto*, hæc est facultatis cognoscentis, illa
verò appetentis seu voluntatis. (2) *Tempore*, hæc præ-
cedit, illa sequitur. (3) *Volitio*, cum voluntate indissolu-
bili nexus cohærens, idem objectum nimirum bonum,
quod rationem habet finis, quod illa, de mediis vero non
æquè solicita, intendit. Verùm interiorum & exterio-
rum actionum adæquatum principium est ipsa voluntas
libera in agendo rectâ ratione munita. Liberum intel-
lige quod in utramq; partem inclinare potest, sive liber-
tas exhibeat contrarietas, sive contradictionis.
Clementissimus Deus à quo omne Bonum & perfecta a-
ctio proficiscitur nos ab omni malo liberet, veriq; boni
participes faciat!

COROLLARIA.

I.

- A**N Philosophia supremum inter facultates locum mereatur?
- Aff. Exceptâ Theologiâ.
2. An compositio ex naturâ & supposito competit Deo? N.
 3. An scientie inferiores subalternentur Metaphysica? N.
 4. An forma sit tota in toto, & in qualibet parte tota? Aff.
 5. An Philosophia Practica rectè securt in Ethicam, Politicam
& Oeconomicam, cœu specie distinctas disciplinas? N.
 6. An homo sit capax summi boni in hac vitâ? Aff.
 7. An Historia sit numeranda inter ceteras disciplinas philo-
sophicas? Aff.

Ingenij acumine literarumq; culturâ egregiè ornato Iuveni;
DN. JOHANNI ANDREÆ STRÆ-
THOVIO Philosophiae Candidato, pro obtainendo
Magisterij gradu, accuratè differenti,

Gratulor ingenium felix, congrator acumen.
STRÆTHOWI ; Nota est & tua sedulitas.
Hinc tibi nunc viridis cinget quoq; tempora laurus:
Sit faustum : coepitis annuat usq; DEUS !

L. mḡ utut occupatus,
aplausi

MICHAEL Gyllenstålpe, &c.


Noster amicitiae nodus, tu Candide frater
Jannes, Contulit hæc qualiacung tibi:
Sed modò deberem tibi Carmina fundere plura,
Poscit id obstriclus nodus amicitiae,
Aspice tu pœclus, quod sat perspexeris antè,
Id tibi sufficiens est, erit utq; fuit.

Hæc præstantissimo Domino Phi-
losophiae Candidato meritissimo,
amico & fratri suo honorando,
avro me dic nos @ relinquebam

DANIEL ROSANDER
SMOLANDIUS.
Carmi.

CArmina perdocto cupio condigna labori
Scribere & Elogium.

Actio virtutis, vitam monstratq; decore
Esse bonam hoc ut ais.

Infla nunc calamos, gratareq; docta caterva
Stræthovij studijs^s,

Illis STRÆTHOVIVS labra admovit sua sponte
Sympotriota meus,

Maecē novo titulo, Salve Doctissime amice,
Prospera quæq; precor.

Ἐν τῷ παραγόμενῳ γέγραφε

PETRUS ACANDER,

Piæ & Solidâ Eruditione, atq; vita integritate, Poli-
tissimo ac Praestantissimo Viro - Iuveni,

DN. JOHANNI A. STRÆTHOVIO
Candidato Philosophiae meritissimo, fautori & benefa-
ctori jugiter colendo, Pro privilegijs Summi Philoso-
phici gradus optinendis publicè disputanti,
gratulans ita aceinebat.

Omibus in terris pauci dignoscere possunt,
Quæ Bona sunt verè, quæq; sunt vera vocanda:
Quodcum pertractas, clarescens docte Johannes,
Ingenius doctæ famulando ritè Minervæ;
Dirigis ut Cursum, monstras te Summa tenere,
Hoc decus eximium est, cui gratia lausq; perennis.
Candidus evad's dignus quoq; honore Magistri,
Prospera cuncta fluant, sic dirigat ipse Iehovas!

MAGNUS BERGERI
KIEZELIUS,

(5)○(5)